

SCRIPT OF MORNING GOJRI NEWS BULLETIN 16JULY 1015 HRS

ما رننگ گو جری نیو ز بلیٹن مو رخہ 16 جولائی 2025

یوہ آکا شوانی جموں بے باغ علی طاہرتیں خبر سُنو۔

EAM SEO PEHLGAM

وزیر خارجہ ڈاکٹر ایس جے شنکر غو کہنو بے جے حالیہ پہلگام مانہ ہوا دہشت گردانہ حملہ غو مقصد جموں کشمیر غی سیاحتی معشیت نانہ نقصان پُجانو تے فرقہ وارانہ تناؤ پیدہ کرنو تھو چین غا ٹین جین مانہ وزرائے خارجہ غی ایس سی اوکونسل مانہ بولتاں واں اُنہاں ے کہی وجے دہشت گردی نانہ کسے وی شکل مانہ درست قرار نہیں دت وجاسکتو تے اس بدعت نال مجموعہ طورور نمژن غو لوڑ بے ڈاکٹر جے شنکر نے شنگھائی تعاون تنظیم ور وی زور پایو جے واہ دہشت گردی علیحدگی پسندی تے انتہا پسندی غے خلاف کوئے سمجھو تو نہ کرتاں واں موقع اختیار کرے اُنہاں نے خبر دار کیو بے جے ایسی للکار خطہ گا امن استحکام تے اقتصادی ترقی ور ماڑو اثر پاسکیں۔ اُن غو کہنو تھو جے بھارت پہلگام دہشت گردانہ حملہ غا زمہ داراں نانہ انصاف غا کٹہرہ توڑی لیان بارے اپنی کوشش جاری رکھے گو۔

CM MBBS

وزیر اعلیٰ عمر عبداللہ نے ترقی غا دو بنیاد سیکٹراں صحت تے تعلیم نانہ مضبوط بنان بارے سرکار غا عہد نانہ دہرایو بے اُن غو کہنو تھو جے ترقیاتی ٹانچہ غی کوئے وی شکل معیاری صحت تے تعلیم غو متبادل نئیں ہو سکتی وزیراعلیٰ سکیمز میڈیکل کالج بیمہ غا سالانہ دن غی اک تقریب سنگ خطاب کرریا تھا۔ اس موقع ور بولتاں واں اُنہاں نے ڈاکٹراں غا کردار نانہ پھرسو تے جمہوری غی علامت قرار دیتا واں نوجوان اس شعبہ سنگ تعلق رکھن آلا نوجواناں ور زور پایو جے وے طبی شعبہ ت سرکاری نوکری نانہ اک ذمی داری سمجھیتا واں گرائیں علاقہ مانہ اپنی خدمات انجام دیں وزیر اعلیٰ نے 2019 بیچ غا ایم بی بی ایس گریجوٹ نانہ وی اس موقع ور مبارک دتی۔

FOREST MIN RANA

جنگلات تے ماہولیات محکمہ گا و زیر جاوید احمد رانا نے سول سیکرٹریٹ سرینگر مانہ اک میٹنگ غے دوران جے اینڈ گے فارسٹ محکمہ کارپوریشن غی کارکردگی غ و جائیزو لیو بے جنگلات گیجمع دیکھ ریکھ تے خشک تے چڑھیا تے سبز درختاں نانہ سائنسی طریقہ سنگ حاصل کرغے اُتیں آمدنی حاصل کیا جان بارے طور طریقاں ور غو کیو گیو میٹنگ مانہ بولتاں واں وزیر موصوف نے روز گار پیدہ کرن غے نال نال مقامی لوکاں غی لکٹری غی ضرورتاں نانہ پوراں کرن غی ضرورت ور زور پاؤ اُنہاں نے کارپوریشن نانہ ہدایت کی بے جے لکٹری غی ایم نیلامی وغیرہ نانہ زمہ داری سنگ انجام دتو جائے تانجے اس تیں خاطر نواہ آمدنی حاصل کیا جان غے نال نال جموں کشمیر مانہ ماحولیاتی جامعیت نانہ فروغ د تو جاسکے۔

AMARNATH YATRA

وادی کشمیر غا اُچا پہاڑی علاقہ مانہ بدل چھایا ربن غے باوجود سالانہ امرناتھ یاترہ جاری بے تے ہزاراں غی تعداد مانہ عقیدت مند امرناتھ گفہ غا درشن کرپیا ہیں آکاشوانی جموں غا نمائندہ نے جانکاری دیتا واں دسیو بے جے بُن توڑی 2 لکھ 34 ہزار یاتری گفہ غا درشن کرچکا ہیں اسے دوران سخت حفاظتی بندوبست مانہ امرناتھ یاتریاں 15 غو 15 ووں قافلو اج سویر بھگوتی نگر بنیدای کیمپ تیں وادی کشمیر در روانہ ہو گیو بے 234 گڈیاں ور سوار ہو غے 664 یاتری وادی کشمیر در روانہ ہوا ہیں جن مانہ 4422 مرد 1511 خواتین 16 بچہ 102 سادھو تے 13 سادھوی شامل ہیں ان یاتریاں وچوں 2471 یاتری بال ٹال بنیادی کیمپ جد کہ 3593 یاتری پہلگام بنیادی کیمپ در روانہ کیا گیا ہیں جتوں وے گفہ در اپنو اگلو سفر شروع کریں گا۔

JKSSB NT

جموں کشمیر سروس سلیکشن بورڈ جے کے ایس ایس بی آئیندہ احکامات توڑی نائب تحصیلدار غی آسامیاں ور پہرتھی غا عمل نانہ موخر کردتو بے یوہ فیصلو 14 جولائی نانہ سینٹرل ایڈمنسٹریٹو ٹریبونل جموں غی طرفوں ان امتہانات مانہ محض اردو گا مضمون غی ضرورت غا معاملہ ور حکم امتناعی جاریکی اجان غے

بعد کی وگیو بے ٹریبونل غو یوہ حکم نائیپ تحصیلدار غی آسامیاں مانہہ پہرتی غی
خاطر محض اردو غی جانکاری رکھنو ہی اہلیت قرار دتا جان ور ظاہر کی گئی تشویش
غے بعد جاری کیو گویو بے۔ واضع رہ جے، جے کے ایس ایس بی غی طرفوں جاری کیا گیا
اک نوٹفکیشن مانہہ کہیو گویو بے جے ان آسامیاں غی پہرتی غا سلسلہ مانہ
درخواست لین غی آئیندہ کاروائی اگلا حُکم توڑی ملتوی کردتی گئی بے اُمیدواراں
نانہہ تاریخ رہنما سطور غو انتظار کیا جان غی صلاح دتی گئی بے۔

BRIG MOHD USMAN BIRTH ANNIV

مہاوہر چکرہ تے نوشہرہ غا شیر غا ناں سنگ منسوب برگیڈ محمد عثمان گو113ووں
جنم تہارو کل عثمان میموریل جھنگڈ نوشہرہ مانہہ جت الوطنی غا جذبہ سنگ مانیو
گیو بھارتی فوج تے ضلع انتظامیہ راجوری غی طرفوں سانطہ طورور منعقد کی گئی
اس تقریب غے دوران 1947-48گی بھارت پاک جنگ بندی برگیڈ عثمان غی بہادری
ور مبنی اک دستاویزی فلم وی دسی گئی۔ اس موقع ور مقامی طالب علماں نے
قومی نغما پیش کیا ڈپٹی کمشنر راجوری نے اس موقع ور بولتا واں برگیڈر عثمان
غی بہادری تے جرات ور اُن نانہہ خراج عقیدت پیش کیو اس موقعور قومی دفاع غو
مظاہرو کرن آلا جان غی کاطر تقریب مانہہ بکھ بکھ محکماں نے سول فوجی تعاون
غو نمونو پیش کیو۔
